

RREGULLAT PËR SIGURIMIN E AKSESIT TË PALËVE TË TRETA NË SISTEMIN E TRANSMETIMIT DHE TRANSPARENCËN NË SEKTORIN E GAZIT NATYROR

(MIRATUAR ME VENDIMIN E BORDIT TË ERE, nr.81, datë 06.04.2018)

OBJEKTI

- Këto rregulla hartohen ne zbatim te Ligjit nr. 102/2015 “Për Sektorin e Gazit Natyror” Ligjit Nr. 9501 dt. 03/04/2006 “Për ratifikimin e Traktati për krijimin e Komunitetit të Energjisë”; Rregullores (KE) nr. 715/2009 të Parlamentit Evropian dhe të Këshillit të Evropës; Vendimit i Komisionit të BE-së nr. 2010/685 i datës 10 nëntor 2010 dhe Vendimit nr. 2018/01/PHLG-EnC, date 12.01.2018 të Grupit të Perhershëm të Nivelit të Lartë të Komunitetit të Energjisë.
- Ky akt përcakton tërësine e rregullave mbi procedurat për sigurimin e aksesit të palëve të treta në sistemin e transmetimit dhe kërkesat për të dhëna lidhur me publikimin në kohë të të dhënave mbi transmetimin, shpërndarjen furnizimin, operimin në hapësirat e depozitimit, operimin në impiantet e GNL-së dhe tregun balancues si të dhëna kyçe të tregut, dhe njëkohësisht disponibilitetin e tyre për të gjithë pjesëmarrësit e tregut të gazit natyror, si një parakusht për funksionimin e tregut në mënyre transparente dhe jo diskriminuese.
- Gjithashtu përcakton ne menyre te detajuar detyrimet e Operatorit të Sistemit të Transmetimit dhe pjesëmarrësve të tjerë të tregut në lidhje me publikimin e të dhënave të tregut Gazit Natyror dhe çështjeve të tjera të nevojshme për publikimin e tyre.

1. Shërbimet për aksesin e palëve të treta në Operatorin e Sistemit të Transmetimit

1. Operatori i sistemit të transmetimit duhet të ofrojë shërbime të qëndrueshme dhe të ndërprera për një periudhë minimumi një ditë.
2. Kontratat e harmonizuara të transmetimit dhe kodet e përbashkëta të rrjetit duhet të hartohen në mënyrë që të lehtësojnë tregtimin dhe ri-përdorimin e kapacitetit të kontraktuar nga përdoruesit e rrjetit pa penguar lirin e kapacitetit (*capacity release*).
3. Operatorët e sistemit të transmetimit duhet të zhvillojnë kodet e rrjetit dhe kontratat e harmonizuara pas konsultimeve me përdoruesit e rrjetit.
4. Operatorët e sistemit të transmetimit duhet të zbatojnë procedurat e standartizuara për emërimin dhe ri-emërimin. Ata duhet të hartojnë sisteme informimi dhe mjete të komunikimit elektronik për të ofruar të dhënat e duhura për përdoruesit e rrjetit dhe për të lehtësuar transaksionet siç janë, emërimi, kontraktimi i kapacitetit dhe transferim i të drejtave të kapacitetit midis përdoruesve të rrjetit.

5. Operatorët e sistemit të transmetimit duhet të harmonizojnë procedurat për formalizimin e kërkesës dhe afatet për të kthyer përgjigje sipas praktikave më të mira të industrisë për të minimizuar afatet për përgjigje. Ata duhet të ofrojnë rezervimin e kapacitetit online. Sistemet e konfirmimit dhe procedurat e emërimit-riemërimit jo më vonë se data 1 Korrik 2018, pasi të jenë konsultuar me përdoruesit përkatës të rrjetit.
6. Operatorët e sistemit të transmetimit nuk duhet të tarifojnë në mënyrë të veçantë përdoruesit e rrjetit për kërkesat për informacion dhe transaksionet që lidhen me kontratat e transmetimit të cilat janë kryer sipas rregullave dhe procedurave standarte.
7. Kërkesat për informacion, të cilat kërkojnë shpenzime të veçanta ose shtesë, të tilla si studimet e fizibilitetit mund të tarifohen të veçuara, në mënyrë që pagesat të argumentohen dhe justifikohen siç duhet.
8. Operatorët e sistemit të transmetimit duhet të bashkëpunojnë me operatorët e tjerë të transmetimit për të koordinuar mirëmbajtjen e rrjeteve në mënyrë që të minimizojnë çdo ndërprerje të shërbimeve të transmetimit për të siguruar përfitime të barabarta në lidhje me sigurinë në furnizim përfshirë edhe tranzitin.
9. Operatorët e sistemit të transmetimit duhet të publikojnë të paktën një herë në vit sipas një afati të caktuar, të gjitha periudhat e planifikuara të mirëmbajtjes të cilat mund të ndikojnë në të drejtat e përdoruesve të rrjetit nga kontratat e transmetimit dhe informacionin operacional përkatës me njoftimin paraprak. Kjo do të përfshijë publikimin e menjëhershëm dhe jo-diskriminues të ndonjë ndryshimi për periudhat e planifikuara të mirëmbajtjes dhe njoftimin për mirëmbajtjet e pa planifikuara kur ky informacion të vihet në dispozicion të operatorit të sistemit të transmetimit. Gjatë periudhave të mirëmbajtjes, operatorët e sistemit të transmetimit duhet të publikojnë në mënyrë të rregullt informacion të përditësuar për detajet kohëzgjatjen dhe efektet e mirëmbajtjes.
10. Operatorët e sistemit të transmetimit duhet të mbajnë dhe të vënë në dispozicion me kerkese të autoriteteve kompetente një regjister ditor të përditësuar për mirëmbajtjen dhe ndërprerjet që kanë ndodhur. Informacioni do të vendoset në dispozicion sipas kërkesës për ata që efektohen nga ndërprerjet.

2. Parimet e mekanizmave për ndarjen e kapaciteteve dhe procedurat për menaxhimin e kongjestionëve në lidhje me operatorët e sistemit të transmetimit dhe aplikimin e tyre në rast të kongjestionëve kontraktuale

2.1. Parimet e mekanizmave për ndarjen e kapaciteteve dhe procedurave për menaxhimin e kongjestionëve në lidhje me operatorët e sistemit të transmetimit

1. Mekanizmat e alokimit të kapaciteteve dhe procedurat e menaxhimit të kongjestionëve do të lehtësojnë zhvillimin e konkurrencës dhe tregëtimin e produkteve për kapacitetet dhe duhet të jenë në përputhje me mekanizmat e tregut

përfshirë tregun spot (tregun në kohë reale) dhe qendrat tregtare. Ata duhet të jenë fleksibël dhe të jenë në gjëndje të përshtaten me rrethanat e zhvillimit të tregut.

2. Këto mekanizma dhe procedura duhet të marrin në konsideratë të gjithë sistemin e përfshire si dhe sigurinë e furnizimit.
3. Këto mekanizma dhe procedura as nuk do të pengojnë hyrjen e pjesëmarrësve të rinj në treg dhe as nuk do të krijojnë pengesa të panevojshme për të hyrë në treg. Ato nuk do të ndalojnë pjesëmarrësit e tregut, përfshirë pjesëmarrësit e rinj të tregut dhe kompanitë me aksione të vogla në treg që të konkurojnë në mënyrë efektive.
4. Këto mekanizma dhe procedura duhet të ofrojnë sinjalet e duhura ekonomike për përdorim efektiv dhe maksimal të kapaciteteve teknike dhe të lehtësojnë investimet tek infrastruktura e re.
5. Përdoruesit e rrjetit duhet të këshillohen për tipin e rrethanës që mund të ndikojë në disponueshmërinë e kapacitetit të kontraktuar. Informacioni për ndërprerjen duhet të reflektojë nivelin e informacionit në dispozicion të operatorit të sistemit të transmetimit.
6. Nëse vështirësitë në përmbushjen e detyrimeve të shpërndarjes ndodhin për shkak të integritetit të sistemit, operatorët e sistemit të transmetimit duhet të njoftojnë përdoruesit e rrjetit dhe të kërkojnë zgjidhje jo-diskriminuese dhe pa vonesa.
7. Operatorët e sistemit të transmetimit duhet të konsultohen me përdoruesit e rrjetit në lidhje me procedurat para zbatimit të tyre dhe ti dakordësojnë ato me autoritetin rregullator.

2.2. *Procedurat e menaxhimit të kongjestionave në rast të kongjestionit kontraktual*

2.2.1. Dispozita të Përgjithshme

1. Dispozitat e pikës 2.2 duhet të aplikohen për pikat e ndërlidhjes midis sistemeve të hyrje-daljes afër njëri tjetrit, përveç nëse ato janë fizike ose virtuale, midis dy ose më shumë Shteteve ose midis të njëjtit Shtet për aq kohë sa pikat i nënshtrohen procedurës së rezervimit nga përdoruesit. Po ashtu ato mund të aplikohen për pikat e hyrjes dhe daljes për vendet e treta, sipas vendimit përkatës të autoritetit rregullator në vend. Pikat e daljes për konsumatorët fundorë tek rrjetet e shpërndarjes, pikat e hyrjes nga терминаlet e GNL dhe pajisjet e prodhimit dhe pikat e hyrjes dhe daljes nga dhe për objektet e depozitimit të cilat nuk paraqiten në dispozitat e pikës 2.2.
2. Në bazë të informacionit të publikuar nga operatorët e sistemit të transmetimit sipas Pjesës 3 të këtyre Rregullave dhe kur është e përshtatshme, të vlefshme nga autoritetet rregullatore në vend, Agjensia duhet të publikojë deri në datën 1 Mars të çdo viti, duke filluar nga viti 2020, një raport monitorimi mbi kongjestionet në pikat e ndërlidhjes në lidhje me produktet e konfirmuara të kapacitetit të cilat janë shitur gjatë vitit në vijim, duke marrë në konsideratë shkallën e mundshme të tregëtimit të kapaciteteve në tregun sekondar dhe përdorimin e kapacitetit të ndërprerjes.

3. Çdo kapacitet shtesë që do të vihet në dispozicion përmes aplikimit të një prej procedurave të menaxhimit të kongjestioneve si jepet në pikat 2.2.2, 2.2.3, 2.2.4 dhe 2.2.5 duhet të ofrohen nga operatori (operatorët) respektive në procesin e rregullt të ndarjes.
4. Masat e vendosura në pikat 2.2.2, 2.2.4 dhe 2.2.5 duhet të zbatohen duke filluar nga data 1 Tetor 2018. Pikat nga 2.2.3(1) tek 2.2.3(5) duhet të aplikohen deri në datën 1 Korrik 2020.

2.2.2. Rritja e kapaciteteve përmes marrjes së më shumë blerësve (*oversubscription*) dhe skemës së blerjes më pas (*buy-back scheme*)

1. Operatorët e sistemit të transmetimit duhet ti propozojnë dhe pasi të miratohet nga autoriteti rregullator në vend, të zbatojnë nxitjen (incentivën) e cila bazohet tek marrja e më shumë blerësve (**oversubscription**) dhe skema e blerjes më pas (**buy-back scheme**) për të konfirmuar kapacitetin shtesë. Para se ta zbatojë, autoriteti rregullator në vend duhet të konsultohet me Autoritetet Rregullatore të vendeve fqinje përkatëse në interkonioksion për të marrë në konsideratë opinionet e Autoriteteve Rregullatore. Kapaciteti shtesë përcaktohet si kapaciteti i konfirmuar i ofruar përveç kapacitetit teknik për një pikë interkonjeksioni të përlllogaritur në bazë të pikës 16 (1) të këtyre rregullave.
2. Skema e marrjes së më shumë blerësve dhe skema e blerjes më pas duhet ti ofrojnë operatorëve të sistemit të transmetimit një shtysë (incentive) për të vendosur në dispozicion kapacitetin shtesë duke marrë në konsideratë kushtet shtesë, si vlera kalorifike, temperaturë dhe konsumin që pritet, për sistemin përkatës të hyrjes dhe daljes dhe kapacitetet për rrjetet përkatëse. Operatorët e sistemit të transmetimit duhet të aplikojnë për një mënyrë dinamike në lidhje me rillogaritjen e kapacitetit teknik ose shtesë për sistemin e hyrje-daljes.
3. Këto skema do të bazohen në një regjim incentivash që reflektojnë rreziqet e operatorëve të sistemit të transmetimit në ofrimin e kapacitetit shtesë. Skema duhet të strukturohet në atë mënyrë që të ardhurat nga shitja e kapacitetit shtesë dhe kostot nga skema e blerjes më pas (buy-back scheme) ose masat sipas paragrafit 6 janë ndarë midis operatorëve të sistemit të transmetimit dhe përdoruesve të rrjetit. Autoritetet rregullatore duhet të vendosin për ndarjen e të ardhurave dhe kostove midis operatorit të sistemit të transmetimit dhe përdoruesit të rrjetit.
4. Për të përcaktuar të ardhurat e operatorit të sistemit të transmetimit, kapacitetin teknik dhe veçanërisht kapacitetin e hequr dorë (**surrendered capacity**) si dhe kur është e përshtatshme kapacitetin që vjen nga aplikimi i konfirmuar të përdore ose humbe të një dite në avancë (**day-ahead use-it-or-lose-it**) dhe mekanizmi afatgjatë përdore ose humbe (**long term use-it-or-lose-it mechanisms**), duhet të konsiderohen për t'u alokuar më përparësi për çdo kapacitet shtesë.
5. Në përcaktimin e kapacitetit shtesë, operatori i sistemit të transmetimit duhet të

marrë në konsideratë skenarët statistikore për sasi të mundshme të kapacitetit fizik të papërdorur në një kohë të caktuar në pikat e interkonjeksionit. Po ashtu duhet të marrë në konsideratë një profil rrisht për ofrimin e kapacitetit shtesë i cili nuk çon në detyrimin për të blerë më pas pjesën e tepërt. Skemat e marrjes së më shumë blerësve dhe ajo e blerjes më pas duhet të vlerësojnë parashikimet dhe kostot për blerjen përsëri të kapacitetit në treg dhe ta reflektojnë këtë në shumën e kapacitetit shtesë për t'u vënë në dispozicion.

6. Në rastet kur është e nevojshme për të mbajtur tërësinë e sistemit, operatorët e sistemit të transmetimit duhet të aplikojnë procedurën e cila bazohet në treg të blerjes më pas (**buy back**) ku përdoruesit e rrjetit mund të ofrojnë kapacitet. Përdoruesit e rrjetit duhet të informohen për aplikimin e procedurës së blerjes më pas (**buy back**). Aplikimi i kësaj procedure blerje nuk ndikon në aplikimin e masave emergjente.
7. Operatorët e sistemit të transmetimit, duhet që para se ta zbatojnë procedurën e blerjes më pas (**buy back**), të verifikojnë masat alternative teknike dhe tregtare për të mbajtur integritetin e sistemit në mënyrën më efikente për kostot.
8. Kur propozohen skemat e marrjes së më shumë blerësve dhe ajo e blerjes më pas operatori i sistemit të transmetimit duhet të ofrojë të dhënat përkatëse, vlerat dhe modelet për autoritetet rregullatore në mënyrë që ky i fundit të aksesojë skemën. Operatori i sistemit të transmetimit duhet të raportojë në mënyrë të rregullt tek autoriteti rregullator për funksionimin e skemës dhe sipas kërkesës të autoritetit rregullator të ofrojë të dhënat përkatëse. Autoriteti rregullator mund të kërkojë operatorit të sistemit të transmetimit që ta rishikojë skemën.

2.2.3. Konfirmim i mekanizmit të një dite në avancë përdore ose humbe.

1. Autoritetet rregullatore në vend duhet të kërkojnë operatorëve të sistemit të transmetimit të aplikojnë të paktën rregullat që përcaktohen në paragrafin 3 për përdoruesit e rrjetit në pikat e interkonjeksionit në lidhje me ndryshimin e emërimit të fillimit, nëse në bazë të raportit vjetor të monitorimit të Agjensisë sipas pikës 2.2.1 (2), tregohet që në pikat e interkonjeksionit kërkesa e tejkalon ofertën, në çmimin rezervë kur përdoren ankandet, sipas procedurës së ndarjes së kapaciteteve përgjatë vitit që mbulon raportin e monitorimit për produktet në përdorim të atij viti ose të dy viteve në vazhdim,
 - (a) për të paktën tre produkte kapaciteti të konfirmuara me një kohëzgjatje një muaj ose
 - (b) për të paktën dy produkte kapaciteti të konfirmuara me një kohëzgjatje tre mujore ose
 - (c) për të paktën një produkt kapaciteti të konfirmuar me kohezgjatje një muaj ose më shumë
 - (d) në rastet kur nuk ka produkt kapaciteti të konfirmuar jepet një kohëzgjatje një muaj ose më shumë.

2. Nëse, në bazë të raportit vjetor të monitorimit, tregohet që një situatë si përcaktohet në paragrafin 1 nuk do të përsëritet gjatë tre viteve të ardhshme, për shembull si rezultat i kapacitetit që është në dispozicion nga shtimi fizik i rrjetit ose përfundimi i kontratave afatgjata, autoritetet rregullatore përkatëse mund të vendosin të përfundojnë konfirmimin e mekanizmit të një dite në avancë përdore ose humbe Ricaktim i konfirmuar lejohet mbi 90 % dhe nën 10 % të kapacitetit të kontraktuar nga përdoruesi i rrjetit në pikën e interkonjeksionit. Megjithatë, nëse caktimi tejkalon 80 % të kapacitetit të kontraktuar, gjysma e volumit të pacaktuar mund të ricaktohet në vazhdim. Nëse caktimi nuk e tejkalon 20 % të kapacitetit të kontraktuar, gjysma e vëllimit të caktuar mund të ricaktohet më poshtë. Aplikimi i këtij paragrafi nuk ndikon në masat e emergjencës që aplikohen.
3. Zotëruesi i kapacitetit të kontraktuar mund të ricaktojë pjesën e kufizuar të kapacitetit të tij të konfirmuar sipas ndërprerjeve.
4. Paragrafi 3 nuk do të aplikohet për përdoruesit e rrjetit — personat ose kompanitë dhe kompanitë që ata kontrollojnë sipas Nenit 3 të Rregullores (BE) Nr 139/2004 — e cila ka më pak se 10 % të kapacitetit mesatar teknik gjatë vitit të mëparshëm në pikën e ndërlidhjes.
5. Në pikat e interkonjeksionit ku aplikohet konfirmimi i mekanizmit të një dite në avancë përdore ose humbe (a firm day-ahead use-it-or-lose-it mechanism) sipas paragrafit 3, duhet të kryhet një vlerësim për marrëdhënien me marrjen se më shumë blerësve (*oversubscription*) dhe skemën e blerjes më pas (*buy-back scheme*) sipas pikës 2.2.2 nga autoriteti rregullator në vend, që mund të kthehet në vendim nga autoriteti rregullator që nuk zbatohet për dispozitat e pikës 2.2.2 për ato pika interkonjeksioni.
6. Autoriteti rregullator mund të vendosë të zbatojë mekanizmin konfirmues të një dite në avancë përdore ose humbe (*firm day-ahead use-it-or-lose-it mechanism*) sipas paragrafit 3 në një pikë interkonjeksioni. Para se ta miratojë këtë vendim, autoriteti rregullator duhet të konsultohet me autoritetet rregullatore të Vendeve fqinje. Për miratimin e këtij vendimi autoriteti rregullator duhet të marrë në konsideratë opinionet e autoriteteve rregullatore fqinje.

2.2.4. Kapacitet i Kontraktuar i dorëzuar (*surrender*)

Operatorët e sistemit të transmetimit duhet të pranojnë cdo kapacitet të konfirmuar të dorëzuar (*surrender*) i cili është kontraktuar nga përdoruesi i rrjetit në pikën e ndërlidhjes, me përjashtim të produkteve të kapacitetit me afat një dite ose me pak. Përdoruesi i rrjetit duhet të mbajë të drejtat dhe detyrimet e tij sipas kontratës së kapacitetit derisa kapaciteti të ri ndahet nga operatori i sistemit të transmetimit. Kapaciteti i dorëzuar do të konsiderohet të ri-ndahet vetëm pasi kapaciteti në dispozicion të ndahet. Operatori i sistemit të transmetimit duhet të informojë në kohe përdoruesin e rrjetit për cdo ri-ndarje të kapacitetit të tij të dorëzuar. Afatet dhe kushtet e vecanta për kapacitetin e dorëzuar, vecanerisht për rastet kur përdorues të ndryshëm të rrjetit e dorëzojnë kapacitetin e tyre, duhet të miratohen nga autoritetet rregullatore në vend.

2.2.5. Mekanizmi përdore ose humbe afat-gjatë

1. Autoritetet rregullatore në vend do tu kërkojnë operatorëve të sistemit të transmetimit që në mënyrë sistematike të tërheqin plotësisht/pjesërisht kapacitetin e kontraktuar të pa-shfrytëzuar në pikat e interkonjeksionit nga përdoruesi i rrjetit ku përdoruesi nuk ka shitur ose ofruar sipas kushteve të arsyeshme kapacitetin e papërdorur dhe kur përdoruesit e tjerë të rrjetit kërkojnë kapacitet të konfirmuar. Kapaciteti i kontraktuar konsiderohet të jetë i pa-shfrytëzuar në mënyrë sistematike veçanërisht nëse:
 - (a) përdoruesi i rrjetit përdor më pak se mesatarisht 80 % e kapacitetit të tij të kontraktuar nga 1 Prilli deri në datën 30 Shtator dhe nga 1 Tetor deri në 31 Mars me kohëzgjatje efektive të kontratës prej më shumë se një vit për të cilin nuk mund të jepen arsyetimet e duhura; ose
 - (b) përdoruesi i rrjetit në mënyrë sistematike cakton afërsisht 100 % të kapacitetit të tij të kontraktuar dhe ricakton edhe më pak me qëllim shmangien e rregullave të përcaktuara në pikën 2.2.3(3).
2. Aplikimi i konfirmimit të mekanizmit të një dite në avancë përdore ose humbe do të shihet si justifikim për të parandaluar aplikimin e paragrafit 1.
3. Tërheqja do të çojë që përdoruesi i rrjetit të humbë pjesërisht/plotësisht kapacitetin e tij të kontraktuar për një periudhë të caktuar ose për afatin kontraktual të mbetur. Përdoruesi i rrjetit duhet të mbajë të drejtat dhe detyrimet e tij sipas kapacitetit të kontratës derisa kapaciteti të ri-ndahet nga operatori i sistemit të transmetimit dhe të shtojë kapacitetin që nuk është ri-ndarë nga operatori i sistemit të transmetimit.
4. Operatorët e sistemit të transmetimit duhet ti ofrojnë rregullisht autoriteteve rregullatore të gjitha të dhënat e nevojshme për të monitoruar shkallën sipas të cilës kapacitetet e kontraktuara me kohezgjatje të kontratës më shumë se një vit, ose që përdoren periudha të përsëritura të cilat mbulojnë të paktën dy vjet.

3. **Përcaktimi i informacionit teknik të nevojshëm për përdoruesit e rrjetit për të marrë akses në sistem, përcaktimi i të gjithë pikave përkatëse për kërkesat e transparencës dhe informacionin që do të publikohet në pikat përkatëse dhe programit sipas të cilit ky informacion duhet të publikohet.**

3.1. *Përcaktimi i informacionit teknik të nevojshëm për përdoruesit e rrjetit për të marrë akses në sistem*

3.1.1 Forma e publikimit

(1) Operatorët e Sistemit të Transmetimit (OST) duhet të ofrojnë të gjithë informacionin referuar në paragrafin 3.1.2 dhe paragrafin 3.3(1) deri 3.3(5) sipas mënyrës së mëposhtme:

(a) në faqen e internetit e cila është e aksesueshme pa pagesë dhe pa qënë nevoja për tu regjistruar ose duke u lidhur me operatorin e sistemit të transmetimit;

(b) në mënyrë të rregullt; frekuenca do të jetë sipas ndryshimeve që ndodhin dhe kohëzgjatjes së shërbimit;

(c) me mirëkuptim të përdoruesit;

(d) në mënyrë të qartë, sasiore, që aksesohet lehtë dhe në mënyrë jo-diskriminuese;

(e) në një format i cili mund të shkarkohet që është dakorduar midis Operatorëve të Sistemit të Transmetimit dhe Autoriteteve Rregullatore në vend — sipas një opinionit në një format të harmonizuar që ofrohet nga Agjensia — dhe që i lejon analizat sasiore;

(f) ë njësi të qëndrueshme, veçanërisht kWh (me një referencë për djegie temperatura 298,15 K) do të jetë njësi për përmbajtjen e energjisë dhe m³ (në 273,15 K dhe 1,01325 bar) do të jetë njësi për vëllim. Duhet të ofrohet faktori konstant i konvertimit për përmbajtjen e energjisë. Përveç formatit të mësipërm, është i mundur publikimi i njësive të tjera;

(g) në gjuhën (gjuhët) zyrtare të Shqipërisë dhe në gjuhën Angleze;

(h) të gjitha të dhënat duhet të vendosen në dispozicion duke filluar nga data 1 Tetor pas antarësimit në ENTSO, në platformën qendrore të ENTSO

(2) Operatorët e sistemit të transmetimit duhet të japin detaje mbi ndryshimet aktuale për të gjithë informacionin referuar në paragrafin 3.1.2 dhe paragrafet nga 3.3(1) deri tek 3.3(5) në një periudhë të caktuar sapo të vendoset në dispozicion të tyre.

3.1.2 Përmbajtja e publikimit

Operatorët e sistemit të transmetimit duhet të publikojnë të paktën informacionin e mëposhtëm për sistemet dhe shërbimet e tyre:

- (a) Një përshkrim të detajuar dhe të kuptueshëm për shërbimet e ndryshme të ofruara dhe detyrimet përkatëse;
- (b) Llojet e ndryshme të kontratave të transportit në dispozicion për shërbimet e tyre;
- (c) Kodin e rrjetit dhe/ose kushtet standarte ku përcaktohen të drejtat dhe detyrimet për të gjithë përdoruesit e rrjetit përfshirë:
 - 1. kontratat e harmonizuara të transportit dhe dokumentat e tjera përkatës;
 - 2. nëse është e nevojshme për akses në sistem, për të gjitha pikat përkatëse si përshkruhet në paragrafin 3.2 të këtyre rregullave, specifikim për parametrat përkatës të cilësisë së gazit, përfshirë vlerën kalorifike bruto dhe treguesin Wobbe, dhe detyrimin ose kostot e konvertimit për përdoruesit e rrjetit në rast se gazi është jashtë këtyre specifikimeve;
 - 3. nëse është e përshtatshme për akses në sistem, për të gjitha pikat përkatëse nevojitet informacioni mbi kërkesat e presionit;
 - 4. procedura në rast ndërprerje të kapacitetit të ndërprerë, përfshirë, rastet kur aplikohet, kohën, zgjatjen dhe shkallën e ndërprerjeve individuale (për shembull në mënyrë proporcionale (*pro-rata*) ose sipas ai që vjen i pari ndërpritet i fundit (*first-come-last-interrupted*));
- (d) procedurat e harmonizuara që aplikohen kur përdoret sistemi i transmetimit, përfshirë përcaktimin e termave kryesore;
 - (e) dispozitat mbi ndarjen e kapaciteteve, menaxhimin e kongjestionëve dhe procedurat **anti-hoarding** (*anti-mbledhëse, grumbulluese*) dhe ato të rishfrytëzimit;
 - (f) rregullat që aplikohen për tregëtimin e kapaciteteve në tregun dytësor në krahasim me operatorin e sistemit të transmetimit;
 - (g) rregullat e balancimit dhe metodologjia për përlogaritjen e detyrimeve të disbalancimit;
 - (h) nëse aplikohen, nivelet e fleksibilitetit dhe tolerancës të përfshira në transport dhe shërbimet e tjera pa detyrimeve të veçanta si dhe fleksibiliteti i ofruar në lidhje me këtë si dhe detyrimet korresponduese;

- (i) një përshkrim i detajuar i sistemit të gazit të operatorit të sistemit të transmetimit dhe pikave përkatëse të interkonjeksionit si përcaktohet në paragrafin 3.2 të këtyre rregullave si dhe emrat e operatoreve të sistemeve të interkonjeksionit ose të shërbimeve;
- (j) rregullat që aplikohen për lidhje në sistem të cilat operohen nga operatori i sistemit të transmetimit;
- (k) informacion mbi mekanizmat e emergjencës, për sa kohë kjo është përgjegjësi e operatorit të sistemit të transmetimit, siç janë masat që mund të çojnë në shkëputjen e grupit të konsumatorëve dhe rregullave të përgjithshme të detyrimeve të cilat aplikohen për operatorin e sistemit të transmetimit;
- (l) procedurat të cilat dakordësohen nga operatorët e sistemit të transmetimit në pikat e ndërlidhjes, në lidhje me ndërveprimin me rrjetin, procedurat e rena dakord për emërimin dhe koordinimin si dhe procedurat e tjera të rena dakord të cilat përcaktojnë dispozitat në lidhje me ndarjen e rrjedhjes së gazit dhe të balancimit, përfshirë metodat e përdorura;
- (m) operatorët e sistemit të transmetimit duhet të publikojnë një përshkrim të detajuar dhe të kuptueshëm për metodologjinë dhe procesin, përfshirë informacionin mbi parametrat e marra dhe supozimet kyçe të përdorura për të përlllogaritur kapacitetin teknik.

3.2. Përcaktimet për të gjitha pikat për kërkesat e transparencës

- (1) Pikat përkatëse do të përfshijnë:
 - (a) të gjitha pikat e hyrjes dhe daljes për dhe nga rrjeti i transmetimit i operuar nga operatori i sistemit të transmetimit, me përjashtim të pikave të daljes të lidhura tek një konsumator i vetëm fundor dhe me përjashtim të pikave të daljes të lidhura direkt me hapësirat e prodhimit të një prodhuesi të vetëm i cili ndodhet brenda BE;
 - (b) të gjitha pikat e hyrjes dhe daljes që lidhen me zonat e balancimit të operatorëve të sistemit të transmetimit;
 - (c) të gjitha pikat të cilat lidhin rrjetin e operatorit të sistemit të transmetimit me një terminal GNL, shpërndarësit fizike të gazit, shërbimet e depozitimit dhe prodhimit të cilat përjashtohen sipas pikës (a);
 - (d) të gjitha pikat që lidhin rrjetin e një operatori të caktuar të sistemit të transmetimit

për infrastrukturën e nevojshme për ofrimin e shërbimeve të balancimit si përcaktohet në Nenin 2(14) të Direktivës 2009/73/EC.

- (2) Informacion për konsumatorët e vetëm fundore dhe për hapësirat e prodhimit të cilat përjashtohen nga përkufizimi i pikave përkatëse si përsëritet në 3.2(1)(a), duhet të publikohet në format të përgjithshëm, të paktën për zonën e balancimit. Format i përgjithshëm për konsumatorët fundore të vetëm dhe hapësirat e prodhimit, të cilat përjashtohen nga përkufizimi i pikave përkatëse si përsëritet në pikën 3.2(1)(a), për zbatim të këtyre rregullave duhet të konsiderohet si një pikë e caktuar.
- (3) Kur pikat ndërmjet dy ose më shumë operatorëve të transmetimit menaxhohen vetëm nga operatorët e transmetimit në fjalë, pa asnjë përfshirje kontraktuale ose operacionale të përdoruesve të sistemit, ose ku pikat e lidhin një sistem transmetimi me një sistem shpërndarjeje dhe nuk ka bllokim kontraktual në këto pika, operatorët e sistemit të transmetimit do të përjashtohen për këto pika nga detyrimi për të publikuar kërkesat sipas paragrafit 3.3 të këtij Aneksi. Autoriteti rregullator në vend mund të kërkojë operatorëve të sistemit të transmetimit që të publikojnë kërkesat sipas paragrafit 3.3 të kësaj këtyre rregullave për të gjitha grupet ose për të gjitha pikat e përjashtuara. Në këto raste, informacioni nëse është në dispozicion të OST duhet të publikohet në një formë të përgjithshme në mënyrë të kuptueshme, të paktën për zonën e balancimit. Kjo formë e përgjithshme për këto pika duhet që për zbatim të këtyre rregullave të konsiderohet si pikë më vete.

3.3. *Informacioni që duhet të publikohet në të gjitha pikat përkatëse dhe afati sipas të cilit ky informacion duhet të publikohet*

- (1) Në të gjitha pikat përkatëse, operatorët e sistemit të transmetimit duhet të publikojnë informacionin si përmendet në paragrafet (a) në (g), për të gjitha shërbimet dhe shërbimet ndihmëse të ofruara (veçanërisht informacionin për përzierjen, zhavorin dhe konvertimin). Ky informacion duhet të publikohet në mënyrë numerike në afate orare ose ditore, të njëjta me periudhën më të vogël të referencës për rezervimin e kapaciteteve dhe (ri) emërimin dhe periudhën më të vogël të vendosjes sipas së cilës përlllogariten detyrimet e disbalancimit. Nëse periudha më e vogël e referencës është e ndryshme nga periudha ditore, informacioni si përmendet në paragrafet nga (a) tek (g) duhet të vendoset në dispozicion për periudhën ditore. Informacioni dhe përditësimet duhet të publikohen sa më shpejt tek operatori i sistemit ('afër kohës reale').

(a)kapaciteti teknik për rrjedhjet në të dyja drejtimet;

(b)konfirmimi total i kontraktuar dhe kapaciteti i ndërprerë për të dyja drejtimet;

(c)emërimet dhe ri-emërimet për të dyja drejtimet;

(d)konfirmimi në dispozicion dhe kapaciteti i ndërprerë për të dyja drejtimet;

(e) flukset aktuale fizike;

(f) ndërprerjet e planifikuara dhe aktuale për kapacitetin e ndërprerë;

(g) ndërprerjet e planifikuara dhe të pa-planifikuara për shërbimet e konfirmuara si dhe informacionin për rimëkëmbjen e shërbimeve të konfirmuara (veçanërisht, mirëmbajtja e sistemit dhe kohëzgjatja për ndërprerjet për shkak të mirëmbajtjes). Ndërprerjet e planifikuara duhet të publikohen të paktën para 42 ditësh;

(h) në rastet e kërkesave jo të suksesshme, ligjërisht të vlefshme për produktet me kapacitet të konfirmuar me një kohëzgjatje prej një muaj ose më shumë përfshirë numrin dhe vëllimin e kërkesave të pa-suksesshme; dhe

(i) në rastin e tenderave, kur dhe ku produktet e konfirmuara të kapaciteteve me një kohëzgjatje prej një muaj ose më shumë janë shlyer me çmime më të larta se çmimi rezervë;

(j) në rastet kur dhe ku produkti i pa konfirmuar i kapacitetit me kohëzgjatje një muaj ose më shumë është ofruar në një proces të rregullt alokimi;

(k) total kapacitet i përgjithshëm në dispozicion përmes aplikimit të procedurave të menaxhimit të kongjestioneve të përcaktuara në pikat 2.2.2, 2.2.3, 2.2.4 dhe 2.2.5 për procedurën që aplikohet për menaxhimin e kongjestioneve;

(l) pikat nga (h) tek (k) duhet të zbatohen nga data 1 Tetor 2018.

(2) Tek të gjitha pikat përkatëse, duhet të publikohet informacioni sipas paragrafit 3.3(1)(a), (b) dhe (d) për periudhën prej të paktën 18 muajt në vazhdim.

(3) Tek të gjitha pikat përkatëse, operatorët e sistemit të transmetimit duhet të publikojnë informacion historik mbi kërkesat e paragrafit 3.3(1) (a) deri tek (g) për 5 vitet e kaluar në mënyrë kronologjike.

(4) Operatorët e sistemit të transmetimit duhet të publikojnë vlerat e matura të vlerave kalorifike bruto ose treguesit Wobbe për të gjitha pikat përkatëse, mbi baza ditore. Shifrat paraprake duhet të publikohen e shumta pas 3 ditësh pas ditës respektive të gazit. Shifrat finale do të publikohen brenda 3 muajsh pas përfundimit të muajit përkatës.

(5) Për të gjitha pikat respektive, operatorët e sistemit të transmetimit duhet të publikojnë

kapacitetet në dispozicion, ato të rezervuara dhe kapacitetet teknike, sipas një baze vjetore për të gjitha vitet kur është kontraktuar kapaciteti plus 1 vit dhe për të paktën 10 vitet në vazhdim. Ky informacion do të përditësohet të paktën çdo muaj ose më shpesh, nëse ka informacion të ri. Publikimi do të reflektojë periudhën për të cilën kapaciteti është ofruar në treg.

3.4. *Informacioni që do të publikohet në lidhje me sistemin e transmetimit dhe afatet sipas të cilave ky informacion duhet të publikohet*

(1) Operatorët e sistemit të transmetimit duhet të ofrojnë publikimin çdo ditë dhe përditësimin e përditshëm të shumave të grumbulluara për kapacitetet e ofruara, si dhe ato të kontraktuara në tregun dytesor (siç janë ato të blera nga një përdorues rrjeti tek një përdorues tjetër i rrjetit), ku informacioni vendoset në dispozicion nga OST. Ky informacion përfshin specifikimet e mëposhtme:

(a) pikën e interkonjeksionit ku është shitur kapaciteti;

(b) llojin e kapacitetit, siç është kapacitet hyrës, dalës, i konfirmuar, i ndërprerë;

(c) sasinë dhe kohëzgjatjen e të drejtave të përdorimit të kapacitetit;

(d) llojin e shitjes, p.sh transferrim ose caktim;

(e) numri total i tregjeve/ transfertave;

(f) çdo kusht tjetër i njohur nga operatori i sistemit të transmetimit si përmendet në 3.3.

Deri më tani ky informacion është dhënë nga një palë e tretë, operatorët e sistemit të transmetimit duhet të përjashtohen nga kjo dispozitë.

(2) Operatorët e sistemit të transmetimit duhet të publikojnë kushte të harmonizuara sipas të cilave do të pranohen transaksionet e kapacitetit (p.sh transfertat dhe caktimet). Këto kushte të paktën duhet të përfshijnë:

(a) një përshkrim të produkteve të standartizuara të cilat mund të shiten në tregun dytesor;

(b) kohën për zbatimin/pranimin/registrimin e tregjeve dytesore. Në rast vonesash duhet të publikohen arsyet;

(c) njoftimi për operatorin e sistemit të transmetimit nga shitësi ose palët e treta referuar 3.4(1) për emrin e shitësit dhe blerësit dhe specifikimet e kapacitetit si theksohen në 3.4(1).

Për aq kohë sa ky informacion ofrohet nga një palë e tretë, operatorët e sistemit të transmetimit duhet të përjashtohen nga kjo dispozitë.

- (3) Në lidhje me shërbimin e balancimit të sistemit, çdo operator i sistemit të transmetimit duhet ti ofrojë çdo përdoruesi të rrjetit, për çdo periudhë balancimi, vëllimet e veçanta paraprake të disbalancave dhe të dhënat e kostot për çdo përdorues individual të rrjetit, e shumta 1 muaj pas përfundimit të periudhës së balancimit. Të dhënat finale të konsumatorëve që furnizohen sipas profileve të standartizuara të ngarkesës mund të ofrohen pas 14 muajsh. Për aq kohë sa ky informacion ofrohet nga një palë e tretë, operatorët e sistemit të transmetimit duhet të përjashtohen nga kjo dispozitë. Ofrimi i këtij informacioni duhet të respektojë konfidencialitetin e informacionit të ndjeshëm tregëtar.
- (4) Kur ofrohen shërbime fleksibël përveç tolerancave për aksesin e palëve të treta, operatorët e sistemit të transmetimit duhet të publikojnë parashikimet ditore në ditën në avancë për vlerën maksimale fleksibël, nivelin e rezervuar të fleksibilitetit dhe disponueshmerine e fleksibilitetit për tregun për ditën tjetër të gazit. Operatori i sistemit të transmetimit duhet të publikojë informacionin aktual (*ex- post*) mbi shfrytëzimin e agregatit për çdo shërbim fleksibiliteti në fund të çdo dite të gazit. Nëse autoriteti rregullator është i kënaqur që ky informacion krijon mundësinë e abuzimit të mundshëm nga përdoruesit e rrjetit, ai mund të vendosë të përjashtojë operatorin e sistemit të transmetimit nga ky detyrim.
- (5) Operatorët e sistemit të transmetimit duhet të publikojnë për çdo zonë balancimi sasinë e gazit në sistemin e transmetimit çdo fillim dite dhe duhet të parashikojnë sasinë e gazit në sistemin e transmetimit në fund të çdo dite. Sasia e parashikuar e gazit në fund të çdo dite duhet të përditesohet çdo orë përgjatë ditës. Nëse llogariten detyrimet e disbalancave çdo orë, operatori i sistemit të transmetimit duhet ta publikojë sasinë e gazit në sistemin e transmetimit çdo orë. Në të kundërt, operatorët e sistemit të transmetimit duhet të publikojnë për çdo zonë balancimi pozicionin e agregatit për disbalancimin për të gjithë përdoruesit në fillim të çdo periudhe balancimi dhe parashikimin e pozicionit të agregatit për disbalancimin për të gjithë përdoruesit në fund të çdo dite. Nëse autoriteti rregullator është i kënaqur që ky informacion mund të krijojë mundësinë e abuzimit të mundshëm nga përdoruesit e rrjetit, ai mund të vendosë të përjashtojë operatorin e sistemit të transmetimit nga ky detyrim.
- (6) Operatorët e sistemit të transmetimit duhet ti ofrojnë përdoruesit instrumenta të favorshëm për llogaritjen e tarifave.
- (7) Operatorët e sistemit të transmetimit duhet të mbajnë në dispozicion të autoriteteve përkatëse në vend, për të paktën 5 vjet, të dhënat efektive për të gjitha kontratat e kapaciteteve dhe informacionet e tjera përkatëse në lidhje me llogaritjen dhe ofrimin e aksesit për kapacitetet në dispozicion, në mënyrë të veçantë caktimet dhe nominimet individuale. Operatorët e sistemit të transmetimit duhet të mbajnë të gjithë informacionin sipas pikës 3.3(4) dhe (5) për të paktën 5 vjet dhe ta vendosin

atë në dispozicion të autoritetit rregullator sipas kërkesës. Të dyja palët duhet të respektojnë konfidencialitetin tregëtar.

4. AFATET PËR ZBATIM TË DISPOZITAVE TË KËTYRE RREGULLAVE

- 4.1. Operatorët e sistemit të transmetimit duhet të harmonizojnë procedurat për formalizimin e kërkesës dhe afatet për të kthyer përgjigje sipas praktikave më të mira të industrisë për të minimizuar afatet për përgjigje. Ata duhet të ofrojnë rezervimin e kapacitetit online. Sistemet e konfirmimit dhe procedurat e emërimit-riemërimit jo më vonë se data 1 Korrik 2018, pasi të jenë konsultuar me përdoruesit përkatës të rrjetit.
- 4.2. Në bazë të informacionit të publikuar nga operatorët e sistemit të transmetimit sipas Pjesës 3 të këtyre Rregullave dhe kur është e përshtatshme, të vlefshme nga autoritetet rregullatore në vend, Agjensia duhet të publikojë deri në datën 1 Mars të çdo viti, duke filluar nga viti 2020, një raport monitorimi mbi kongestionet në pikat e ndërlidhjes në lidhje me produktet e konfirmuara të kapacitetit të cilat janë shitur gjatë vitit në vijim, duke marrë në konsideratë shkallën e mundshme të tregëtimit të kapaciteteve në tregun sekondar dhe përdorimin e kapacitetit të ndërprerjes.
- 4.3. Masat e vendosura në pikat 2.2.2, 2.2.4 dhe 2.2.5 duhet të zbatohen duke filluar nga data 1 Tetor 2018. Pikat nga 2.2.3(1) tek 2.2.3(5) duhet të aplikohen deri në datën 1 Korrik 2020.
- 4.4. Përdoruesi i rrjetit përdor më pak se mesatarisht 80 % e kapacitetit të tij të kontraktuar nga 1 Prilli deri në datën 30 Shtator dhe nga 1 Tetor deri në 31 Mars me kohëzgjatje efektive të kontratës prej më shumë se një vit për të cilin nuk mund të jepen arsyetimet e duhura; ose
- 4.5. Operoret e Sistemit të Transmetimit të gazit natyror duhet të ofrojnë të gjithë informacionin referuar në paragrafin 3.1.2 dhe paragrafin 3.3(1) deri 3.3(5) sipas mënyrës së përcaktuar në paragrafin 3.1.1 të këtyre rregullave
- 4.6. Pika 3.3.1 nga germa (h) tek germa (k) duhet të zbatohen nga data 1 Tetor 2018.
- 4.7. Informacioni që duhet të publikohet në të gjitha pikat përkatëse sipas parashikimeve të paragrafit 3.3. të këtyre rregullave.
- 4.8. Këto rregulla hyjnë në fuqi menjëherë pas miratimit nga Bordi i ERE-s.